


張東海先生集



張東海先生集序

張東海先生集序

東海之濱有張汝弼先生
者嘗觀於海而為白馬
以東海自號少善草書
雄偉俊逸自成一家同時

名能書者皆莫能及碑板
卷帙流布通達至於外
國東海之名遂徧天下其
為詩清鍊脫俗力追古作
言與所到信手縱筆多如

屬稿即為所屬以草書故
輒為人持去先生亦自謂刻
集太多欲矯訂為石後置意
其間清詞激言白時或傳誦
而見其全集者差鮮其為

文隨事觸物必根理義不
為華藻枝葉之私物自
慎重不苟作又以去蕪索
益加少焉故以書掩其
詩掩其又說者所謂蔽

之至者不兩能非知先生

深考也先生沒且三十年

其子廣西按察使使弘宣

亦卒家又先遭回祿之變

戶科都給事中弘至檢諸

身...集前序
三
舊以送不能十一又訪諸親友
所藏及青史而私錄者以
其二三為幾卷而時所傳誦
者尚未之備以續錄未已隨
所得而及及將刻梓以傳以

先生之詩之文而止此甚可
惜也首之論書者必先人
品豈惟書哉人之品必先
道德所謂道德者非必為
行舜趨服喪之類而後

東坡全集前序
為至惟義和邪正不泐於
中涵養既久則英華自
出及于外如珠藏玉韞者不可
掩者安生晚以科第為兵
部郎官最久志操耿不為

汙合開口論議無所顧忌
未嘗諂媚以干進取中兩
自負往于為事者及
知南安律已為物取宜其
人未久而致仕以去其心

又為文章車所掩而其文之存
亦止此豈不重可惜歟然空
青丹砂金膏水碧顆拾而
塊觀之亦知其為至寶固不
必堆疊積筭然後為之用也

況於文哉況於其人亦可重
者哉使後世知其人之重則
其文益重矣先生諱源汝河
字也松之華亭人其舉
進士在成化丙戌卒于丁

未年六十有三子弘宜弘
皆繼舉進士弘至為翰林
言士學其家弘正弘圭弘
金皆不失矩範請外弘
起者如望張氏之文
鞅固

於是乎徵集既成弘至以書
上京介翰林侍讀學士顧
君士廬請予序鳴呼予予
豈足為先生重耳

正德乙亥長至前一日

特進光祿大夫左柱國

少師兼

太子太師吏部尚書

華蓋殿大學士致仕

長沙李東陽序

張東海先生詩集叙

詩不可徒作也昔者聖人之叙詩也

自非厚人倫裨風教存勸戒示得

失者輒斥弗錄蓋嗾焉無問者

不知幾倍所存矣後之作者又何浩

瀚不可殫紀哉夫三百篇遠矣不可
幾矣然必不背孔氏之意而後可
自附於詩騷人墨客所以以連自
放於禽魚蒼竹之間以寓其歡
欣悲憾之志非不工且麗也而三

百篇之旨亦一矣正則又有為淫
褻不燕昵之語則凡端人正士諱且
羞之而謂不見於孔氏之門無有
也東海先生詩名滿天其與之所
到不暇雕琢而氣昌辭偉寓意

正所謂厚人倫裨風教存勸戒
示得失者。性具見其於淫昵之辭
無及焉。庶幾所謂不背孔氏之意者
手至其所以自信不媿不怍者。則十
每四五嗚呼先生之於詩信非徒作

者也。夫作詩本無法有之自後以始
專門之論曰具欲其遠故為渺漠
汗漫如醉。受人語曰意欲其深故
詭匿如商度。隱語使人談之卒不
可曉。二者為詩家要旨。流連自放而

序二
於其大者則忽焉竭精爽神卒背
孔氏之教先生之詩何嘗不深且遠
也而其所得者不徒哉先生平
生作正富而不吝靳惜故多散逸
其仲子都諫君緝錄僅是於諸

俸班亦具矣都諫恐久亦併亡也
不梓刻之屬予引一言於首報敢
僭論如此或曰詩本人性情大率
與其人類考之諸名家之詩可見
也先生為人高邁曠達故其詩

多超逸明爽雅負志操汲其詩多
慷慨自許或曰昔蘇長公讀涪
州詩謂如見魯仲連李太白令人
不敢復論部事先生之詩脫出塵
囂此語若為先生發是三家者之言

雖不足盡先生之詩之大而要非無
所見者併附於後

正德丙子九月之生

賜進士出身翰林院編修鄉晚
生孫承恩頓首謹書

東海先生小像



隨處丹青寫我
神故人相見
于今有十餘年
只為反老還童
東海

張東海先生集總目

詩卷一

賦七首

五言絕句三十一首

禽言二首

詩卷二

五言律二十四首

七言絕句八十首

聯句二首

詩卷三

古詩三十三首

六言絕句三首

五言排律四首

七言排律二首

詞三首

七言律 一百六十首

附詩 二首

詩卷四

長短歌 五十二首

詩餘 三首

文卷一

序 三十九首

文卷二

記 十六首

銘 十二首

贊 八首

箴 一首
傳 七首

文卷三

雜著 說釋辯誠原
對志詩話解

共 十首

書 三首

議 二首

哀辭 八首

祭文 四首

文卷四

題跋 二十三首

墓表 五首

墓誌 七首

文卷五

附錄 文十九首
詩十一首

此東海先君遺集也嗚呼先君歿且三十有一載矣今始克成編編又不能得其大分固極之罪容何言念先君素于藁草不惜遺亡或強之去亦不為吝也嘗命孤曰毋觀近時刻集故自視亦無庸傳然今海內士類每以不亟見先集為問而孤等又忍竟淪失無餘也哉弘至北歸二兄繼逝旁求轉錄喫緊者又復十年得詩類

卷四凡四百一十首文類卷四凡一百五十首各以體分隨所得無次訛缺未備者復三之一別錄以存嗚呼非其有而冒之非夫也湮所有而弗章非子也所賴涯翁寄序且手批其舛贗崑山顧侍御孔昭北里孫內翰貞甫備加評選校文賦則王大尹良佐沈憲幕東之校詩律則陶祠部良伯干進士調元箋補殘失孫其性當

之庶幾就緒携之洞庭質諸守溪先生先生許之言復遇都太僕玄敬于蘓汪司業器之于嘉禾重為披校且裁節之徐嘉興子謙遣工壽梓乃卒有成嗚呼此固公等扶植斯教共成先君之休不肖後人寧忍忘之用揭卷首以識無窮之感云

正德丁丑歲冬仲不肖弘至拜識

張東海先生詩集卷一目錄

賦

惜別賦

太白酒樓賦

登山賦

寶善堂賦

晴洲述遊賦

古詩

獨漉篇

黃鵠篇

黃連篇

貞桃篇

高郵城

絡緯詞

假髻曲

養馬行

昔有行

讀宋史

題竹送童黃門

古詩五言

酬楊編修維新

悲管孺人

送林亨弟還閩

答胡廷慎進士

竹咏

送友作縣

東山勝集

讀陳公甫和陶詩

題竹

紅梅贈翁僉憲

厓山大忠祠

送陳公甫之京

聞陳公甫告歸

鍾盆

古詩七言

送林宗敬

送人知沂州

楊妃菊

和邢編脩遜之

送趙尚綱南還

贈王鎮撫

五羊灘

梅嶺石

絕絕句五言

崇溪景八首

曹操觀碑圖

白頭

百舌

騎鯨圖

魚舟二首

古意二首

薜荔

留別江西諸公
道中口號

携琴圖
乘槎圖

寄德慶管知州
二首
舞劍

贈張汝欽
寄張茂蘭

六言

觀泉
送客

題畫
禽言
二首

偶賦
張丞相祠

題金蓮寺壁
送客

從吾亭為彭都憲
南安雜咏

遊了山
送碑坊柱到府學

九日登金鰲閣
紀遊

詩學陸放翁賦此
四月十日燕金鰲閣

送張廷儀進士
半間

寄李郎中貞伯
贈蘇州醫學盛春雨

送宋秋官景暘
聞報

飲顧天祥家
送董氏弟兄會試

送任孝友會試

謝梁孔昭送甲子圖

秋臂痛漸愈

用韻答金華陳太守

續夢

送夏正夫赴山東布政

次韻復揚中舍

見桃花口號

散神仙

寄丘時雍太守

和江原一韻

答友

九日登望海樓

送客歸閩

呂秉之負外見過

送陳僉憲考滿

十月賞菊

和彭性仁主事韻

送吳經府還宜興

學懶首尾吟

張東海先生詩集卷一

賦

惜別賦

若有人兮孕九山之秀靈懷瑜握瑾兮何脩
 姪之天成紉蘭茝以為佩兮雜申椒之芳馨
 薙蕭艾之蒙翳兮滋蘅芷以敷榮縱襲衣之
 外襲兮適彪炳而內翔燁煜其彌章兮御靈
 風而厲青冥爰稽首于瑤階兮維鴻休之是
 承鸞箋閃耀兮心目孔明象管流運兮颯馳

東海集卷一
電驚五雲粲錦子祥光斯徵鳳鳥騫舉兮雖
雖和鳴寵矐碩才兮庸之勿輕廼謂神都兮
辟靡崢嶸載歌載游兮益大以宏嚅嚅芳腴
兮鹿吻吻而莪菁菁於是脂車牽而秣駟牡
兮指雲衢以遐征羌友生之戀戀兮擊子之
祛揔六轡以縹馬兮柅子之車柰子之不少
留兮倏載馳而載驅心逐車輪而轉輾兮胡
周道之盤紆目渺而瞻望弗及兮空佇立以
和兮之悠白雲之下上兮山宛宛而捲曲耳

肅肅以鳴秋子颯涼颯之勢木

此與韓昌黎別知賦山賦

一教四語同歌伐木之無和兮鳥嚶鳴而林霏

霽綠期永以為好兮胡中道化離之速悵獨

處此兮渺天涯之南北目送蜚鴻兮母俾尔

音之金工噫吁噉眇軀多郵兮而又曠茲韋

絃也南山蕪穢兮伊誰之田也弛鞭策而弗

庸子駑步曷前也中夜耿耿不寐兮遐思之

綿綿也亂曰維山兮蒼蒼維水兮泱泱義輪

兮孔亟奄忽兮移光撫茲兮索息庶夙夜兮

無荒航閩閩兮逝洙泗羅今古兮苞衆芳迅
鵬程子九萬致吾

君兮陶唐約而歸之于愛君其
得湘纍之遺意者乎

太白酒樓賦

駕東吳之舟兮泝淮泗而北游阻脩程於濟
湄兮爰登茲樓憑危欄以四望兮慨古今之
邈悠攄余懷之耿耿兮與先生而殷籌夫人
鮮不樂飲子胡先生之名獨留彼八仙六逸
兮亦附驥而垂休豈飲果卓異兮將才猷之

寘儔抱三靈之純英兮乘六氣以夷猶隘渤

澥其曠濟子俯衡華之崢嶸揆先生之姦辭

兮誠千載之特此論甚正金鑿寶牀兮選時英辟胡清

平之新詞兮此卷阿之遺則謂時不可語兮

豈苟天光高慶之烜赫使妖蠹之罔間兮寧免委

身乎狎客客為淫媠之語以徇君何狎終往此

之弗審兮幾幽圉而隕魄荷汾陽之再造兮

莫道夜郎之遠謫豈邂逅而招郵兮亦時命

之迫阨君子不諱罪辱兮視在吾此意之順逆彼

徒以詩豪而興羨兮誰撫音塵而致惜重曰
氣邁往兮才壞竒竟漢落兮弗少施技雕蟲
兮耀世丈夫之顏兮怛怩嗟先生兮罹此又
麴蘖兮溷之雖曠懷兮弗計何鄙陋兮吁噫
申誓言兮貞固幸毋惕兮險夷叩廓窅兮黯
默聊酌卮酒兮矢吾詞忽靈風兮撼戶恍先
生兮歸徠結甚脫洒

登山賦

秋試南歸因登高眺遠悼初志之

未遂嗟日月之如流乃作是賦時
景泰庚午九月朔日

閱予懷之悒悒兮聊登山以自逞信予步以
凌躡兮歷重岡而複嶺樹橫枝以絳冠兮石
礪魄而齧脛氣消縮而力既罷予坐憇絕頂
蹇巖蘿以籍兮覽三吳之風景指遺墟於灌
莽兮烟霾冥冥慨昔人之經營兮直焦然於
俄頃仰視天高兮俯視地迫忽長風之振袂
兮木葉交隕柰日月之不淹兮激予心之悲

哽自古豪杰乘時思昔予屬志以有為兮冀
 中道以馳騁使王良總轡兮騰駕躡影發軔
 書林兮晞闕建之蹊徑信鄒魯之可達兮載
 游載咏故朝誦夕披兮汲汲以鑽研寤思而
 寐夢兮竊語以自宣胡力不任志兮却步而
 莫前航一葦以圖濟兮駛曠漭之淵觸奔濤
 與怒浪兮又驚風之暴顛疑賦遠蕩泊於沉
 穢兮逐流而遷顧初志之弗踐兮徒顏面之
 醜然曾春秋之幾何兮歲二紀而再躔賢賢

茫兮莫知己愆將躋雲衢而再躓兮泮林
 以翔騫矧良朋之離群兮誰與周旋申侘傺
 以怊悵兮遐思之纏綿茲登山以樂游兮反
 百感之內煎柔意優撫心自忖兮伊誰之咎也
 厲志靡盬兮物欲眩誘也朝花夕摧兮弗恒
 茂也撫壯弗戒兮壯弗復也哀摧而悔兮悔
 既後也循危蹙以下降兮乘北風以廻翰扇
 游塵以息鞅兮葺救廬於海陬菊芳兮吐秋
 蘭秀兮色幽林喬兮鳥啾渚深兮魚游菊言

言守鳥魚言適所謂合此興者以此善萬物之自育兮契茲理之周流在意正此覲夙夜涵揉兮庶初志之可酬登高者每逐之於遊賞此獨追悔自咎豈宜以少作少之

寶善堂賦

雲間馬以德以寶善名其堂蓋取楚書惟善為寶之義然彼有國故所寶者善人以德居士流則寶其身之善爾予為賦以廣其意庶有所興起焉

若有物兮乘二氣以流形意精非實形兮曰理以為名實原天地之混闢而弗能外兮矧萬彙之有生惟人無競兮又特擅其秀靈寶切臺湛澈兮極粹美而精明斯善之可寶兮貴孰與京實廓之而六合準兮四海以平胡稟氣拘室兮實汚染之寶存仍圈豕斯放兮縱蟻慕而蠅營寶非其寶山海之詭恠兮軀命為輕篝燈遂壑兮冒毒突猙腰絙沉淵兮啗蛟觸鯨周章聳瞽兮拳重價之連城慌惘忽霍兮孰知反身之誠履叢棘以躓踣兮寘周道其誰行追跡躋以並

東坡集卷一
騫兮窈窮兌其誰懲賴元聖之閔惻兮慵斯
出以遺經群哲仰紹兮炳煥乎日星衆醉罔
覺兮何時醒偉若人之卓識兮悟至寶之在
邇反而求之兮迺吾性之善爾顏之堂楣兮
庶夙夜之仰止堂何有兮有圖有書几案秩
序兮琴瑟與俱軒榮宏敞兮八窓洞虛擁篲
播灑兮迸浮塵其闐如匪堂之是師兮寔吾
身之所廬來章縫之吉士兮揖讓進趨蔭桂
樹于前楹兮蕙蔭羅于後除樹蘭茝芷交加
兮雜江籬與揭車爰載芟而載薙兮俾資藁

蕭艾之悉祛衆芳藹其芬菲兮鼓芳風之舒

舒撤藩籬之障蔽兮樂衍豫以容與便有心廣體胖

意茲寶善以洞屬兮尚靡間于獨處謹獨持

意緊鬱松栢之從龍兮竹婢娟而與旅巨彌

久而弗渝兮允矣其終始重曰淳風之漓兮

日晷昧而弗宣惟善之根吾人兮歷億世而

罔遷遵軌轍以迅邁兮塗人聖賢姚姒我師

兮咎高後先緬懷古人兮今古同天明月皓

皓兮懸我前寶之寶之兮永弗諼

晴洲述遊賦

為大司馬程公作

溟陽先生泛舟微溪弟子空同侍焉爰有長
隄陂陀廻互重複乃攝衣曳屨舍舟而陸維
時芳風扇和萬彙春育萑蒺蘆若蒼蔚紛郁
魚鳥龜鼃飛鳴游伏密樹張巒軟莎襯褥於
是怡然坐蔭發舞雩之咏鼓陽春之曲少間
石運窅々如聞足音遙見偉丈夫者荷綸竿
而行吟其聲若擊石而撞金先生却立締視
顧謂空同曰是夫也如龍躍春江鶴盤秋空
非逃虛之士殆蓋世之雄耶試即而問之空
同攝衣而前丈夫應曰我晴洲之釣者與世

若隔絕矣子何為而來耶空同還以告先生
憮然曰吾目其矇乎釣者乃若斯乎嘗聞之
棘津之望莘野之擊咎逃于畊釣若終身而
忘世是夫其斯人之流歟試更問之空同乃
促武而進致恭以俟丈夫曰子去而復來將
有說乎試坐我磯石罄子所懷無卒遽也空
同坐定乃曰羲軒紹統人文耀芒輶轄萬有
橐籥三靈以之佐運撫世而登虞軼唐者丈
夫嘗任之已乎咲而不答曰戮蚩戡黎秉樞
握竒陰陽倏變風霆交馳以遏絕亂畧而京

觀鯨鯢者丈夫嘗為之已乎咲而不答空同
 莫窺其涯而復問曰乾坤鼎爐水火匡廓不
 穀而飽不樂而樂氣馬颯輪周游六幕其夫
 夫之謂矣無以釣誑我也序文武神仙事各六語而意自足便
力見筆丈夫艱然曰此神仙之流荒恠之術先
 王之世所謂左道而必誅者子何以待我之
 淺耶空同惘然自失不知所云反命於先生
 先生躍然曰吾知之矣談文武則咲心領而
 貌隨也欲泯迹而逃名故弗荅耳儼以神仙
 之流誠厚誣之矣予徃謝焉乃亟趨而前曰

丈夫誠文武之偉器輔世之碩人胡值茲亨
 泰猶偃蹇而弗信得無忽生民而絕大倫乎
 丈夫曰不敢走也無似竊嘗試之今且休矣
 尚何言為遂不通姓名而別但持竿兀兀而
 已先生載行載顧依、不舍登舟夷猶拊弦
 再鼓而歌曰蹇我懷兮晴洲偉碩人兮寘仇
 驥脫羈兮廣漠龍既雨兮深秋稅埃壻兮遠
 逝嗟碩人兮遺我心憂括一篇叙事得二陸機
 古詩

獨漉篇

鼓鳴獨歌獨漉獨漉亂我心曲不畏水
深不畏泥濁有弓當射蛟有刀當屠玉烈女
無媚容丈夫不受辱翩翩者鴉鴉為之逐林
林謀夫國仇來復我刀夜鳴欲勦膾腥子弗
我礪夢寐征營虎逸於山睨我於藩戶牖弗
葺林簣之患

黃鵠篇

御史朱良玉母陳孺人以節顯為作

黃鵠篇

黃鵠雙飛雙宿中道失其雄孤雌悲逐

逐悲逐々鳴鳴々奮絕欲與雄俱徂不念毀

巢室念此黃口雛黃口之雛伊誰之哺忍死

哺雛庶弗殆厥祖叶我雛髦我心孔鞠我

雛揚々我心斯降高山有鳥九苞其章憐我

寒饑痛我孀謂我雛兮於燁其光飼我以玉

之粒醴之酬不我臆殺也謂世之祥鳴々我

雄曷弗我將海兮桑山兮礪矢與雄兮俱顧

語雛顧語雛鳳之德勿爾孤

黃連篇

子患渴濁久服補劑益甚用酒
蒸黃連丸乃愈賦此記之

黃連苦於膽我服甘如飴非不知甘苦治病

良獨宜因思仲尼有明命良藥苦口利於病
忠言逆耳利於行逆耳之言真激心聖人聞
之能順應轉奢為儉斂肆為敬宮壺肅清海
宇安靖傷哉曲江相去李猫來青驪遠狩悲
風埃傷哉司馬鑄名相章蔡五國城荒雙輦
邁吁嗟往事無不然遠臣稽首蒼々天援毫
敬寫黃連篇可以一藥苦口而關係之大如此

貞桃篇

南安屬縣民婦有以貞節聞而未及
旌表予咏貞桃以及之然貞桃亦非

寓言也

臘日暄然桃吐艷正月嚴寒饒雪霰紅蕩白
慘抱枝頭不肯輕輕飄一片抗顏匿咲如古
松時與西風北風戰君不見拂鬚捧溺拜塵
兒綿膝隨人朝暮變安得知南安節婦劉蔡
儔玉白冰清金百鍊乞墻富貴妾婦羞伊誰
不愧貞挑面伊誰不愧貞挑面

高郵城

蒼狼猱子厭拓衣白駒亭戶建牙旗高郵城
中困狐兔簡書忽下緩鯨鯢鯨鯢南徙三江

水汨日滔天亂天紀黃菜葉搖風雨聲不知
淮泗真龍起真龍起鯨鯢死高郵城中花爾
爾筆勢峻然有揚鐵史風韻

絡緯詞

絡緯不停聲從昏直到明不成一絲縷徒負
織作名蜘蛛聲寂々吐絲復自織々絹々飛
蟲飛蟲足充食事在力為不在聲思之令人
三嘆息

假髻曲

東家美人髮委地辛苦朝々理高髻西家美

人髮及肩買粧假髻亦峨然金釵寶鈿圍朱
翠眼底何人辨真偽天桃窻下來春風假髻
美人歸上公

養馬行使山海關作

領馬易養馬難妻子凍餒俱殫孱若有芻豆
且自飡安能養馬望息蕃平原草盡風色寒
羸馬散放聲嘶酸忽然倒地全家哭便擬陪
償賣苑呈苑屋無多陪不足更牽兒女街頭
鬻隣翁走慰不須悲吾家已鬻兩三兒時事如此
讀之可為於邑

昔有行

昔有大官來採荒。自云富貴世莫當。鞭笞縣吏豐廚傳。五色選瑜鋪滿堂。登廁攫瑜少不足。揚袍震怒俱徬徨。隣邑聞之競僦賃窮民。鬻子典衣裳。歲久天荒猶可活。柰何一旦遭人荒。我聞此語不忍聽。嗚呼自古牧羊難用狼。狼自古牧羊難用狼。

美入
讀宋史
識吾黨之羞也
不勝忸怩遂以韻語述之

荆公不作相名在司馬上可憐。一得君遂入
呂祭行嗚呼鳳凰隨鴉腐鼠場。九苞五采無
輝光

題竹贈童志昂黃門出補壽昌尹

空梁兮有害周道兮有阻。眷清風兮兩土睇
箭村兮草莽燁若木兮伊誰與伍。翩翠旂兮
翔舞控重華兮何所中。嚮曙兮悵千古。

古詩五言

酬楊編脩維新

灼灼東風桃縞縞西園李采采諒匪艱舉手
聊漫爾云胡自束縛企望邈千里齒髮易衰
謝歲月不我俟抗走京華塵款曲謝知己素
心為我傾瑤琴為我理言別川塗長夢寐相
汝爾申棖致教言出處貴正始螻蟻知陰晴
孔翠擇棲止明珠與珊瑚乃在滄海底努力
慎所之六籍固根底再拜置懷中察察聲在
耳歸鴈西北翔作報心懷耻惴惴畏迷方身

先鷄鳴起

悲管孺人

黃鶴雙雙飛雄死唯獨歸血口嘶墜羽鍛翼
覆孤兒巢冰不言冷啄雪不言飢茫茫海波
涸節節南山夷山夷海自涸我足終不移我
足終不移我心天地知九泉遇故雄略不愧
當時豈獨韓朋木終為連理枝

送翰林林亨大弟還閩

去年閩中來訪兄兄著褐青燈共夜深攤書
助檢闕今年辭兄歸兄著綠羅衣玉堂晚進

食道路有餘輝傳語鄉人道無如讀書好矧
彼痴愚夫變形徒釋老詢詢如聚蛆食我農
而儲有識者三嘆滔滔將何如家翁二千石
休官尚憂國有子紹箕裘此機良可息登堂
捧壽卮誦我送行詩青雲佇待爾慎勿來遲
遲

答胡廷慎進士

村居斷來往攤書校陶陰寥寥三百載誰鼓
紫陽琴螢燭無遠照轉展費沈吟新聲亂古
音曾或惜惜念昔與君期迪我以妙音中

道忽仕離宿疾鬱中襟支離事鉛槧何以
回參湛湛圖靈高淵淵滄溟深栖坐遲暮
鷓鴣鳴芳林

竹咏

擊節歌離騷湘靈招不得開門看月明幽篁
倚蒼石春風千萬花花落春無跡此君冷淡
姿常有好顏色

送友作縣

平生衆交游惟子乃世好少日庠泮間挾策
共探討厄窮京國居允賴攄懷抱任苒歲月

流榮華忽將老。駕言宰百里。逶遲萬里道。我
情如東流。欲話不易了。執手徒忡忡。更進尊
中醪。毋抗縣公尊。毋視耕民藜。君子乘高興
總轡恒。慄慄詩書世。澤長令名當自保。

東山勝集

金昊澄新霽。涼颭襲衣裳。護赴尊俎名。靡靡
東山陽。弛策馬徐進。微吟興騫翔。宕峯古招
提熠耀。揭龍章。萬松蔭虧蔽。弥望鬱以蒼。轉
轉紆石磴。登登躡重岡。山人導步遠。爰覲神
閔。歲宛蜒。功德水一掬。清肺腸。席苔薄。留態

競掇澗芷芳。緬懷昔人迹。訛之已味茫。而予
自慶幸。幸際時樂康。幽夏歸一統。文軌同萬
方。九重隆繼述。

神祖業益昌。于時苟弗樂。負此白日光。朋舊
交勸侑。詎厭頰飛觴。舉觴詹玉氣。靈祚天地
長。

讀陳公甫和陶詩

休驚孟似教。畢竟教非孟。刪後多變更。隨宜
寫吾性。月光有盈虧。月魄恒如鏡。獨坐濂溪
臺。人眠夜逾靜。

題竹

東坡云此竹可以醫人俗我愛食其萌清風
時滿腹况茲如瓠肥何須更添肉便欲刻此
圖收入桐君錄二翁氣味正相似

紅梅贈同年翁僉事

庾嶺小紅梅風標天下絕昨日幸同歡今日
傷離別玉筵兩三巖吹落臘脂雪寫以贈知
心相携共明月友用之私正與梅花心事相
類摩寫得法

匡山大忠祠

宋亡本無罪元入曾何功所以志士懷千載

猶冲忬海崖一片石鏤紀宋運終當時二三
子戮力抱遺弓事以人力競敢謂天眼矇天
眼終自瞭天水流無窮南來合尊子又坐穹
廬宮反覆復宛轉昭晰亦冥蒙君子惟盡已
天人任遠從海陽屹孤廟春秋祀大忠遺民
一掬淚遠洒烟濤中真詩史也

送陳公甫膺聘之京

勢利不我惕貧賤不我戚委曲義理途飄然
若無跡問我今行歲而我亦未識扁舟倚江
沙浩歌秋月白

聞陳公甫受職告歸

君恩天地寬。臣義日月皎。無職徒冒官。優游
豈不好。未識義如何。請問程明道。李密是何
人。亦有陳情表。詠之稟

鍾盆

鉅鍾既鑿。倒置栽花。名曰鍾盆。

有聲警昏曉。無聲植蒼草。懸空固為奇。按地
豈不好。百鍊堅剛資。隨方恒自保。不計春秋
移。坐閱乾坤老。思致優深

古詩七言

送林宗敬

閭闔門開日。初曉紫殿彤。樓綵雲表。曲江花
簇。東風春燕支。雪瓣玉精神。躍馬看花花共
咲。袍剪宮羅。花壓帽。錫宴瓊林。綉幄張翠舞
朱歌鬪艷。陽鯨吸黃封。三百甕沈酣。不忘天
恩重。聚首皆言圖報難。微瑕纖類汗人顏。更
勅錦衣還故國。傍人爭認登瀛客。五色新裁
萊子衣。捧觴調膳舞春輝。舞罷還將舊書讀。
鞭霆駕風追。往躅歸朝溥。作王家霖大慰四

海蒼生心

送人知沂州

桂陽別駕來沂陽，兩地民心俱不忘。桂陽之民思借寇，封章萬里送明光。沂陽之民曰：不可何人肯棄父母傍。瑯邪山高沂水遠，父母之德不可忘。苦留使車不得去，桂陽空自咏甘棠。

楊妃菊

秋庭何事有瓊姬，前身半是三郎妃。風流陣

料悔心獨對陶翁笑，悠然寫入歸來辭。有誰更和清平調。

和邢脩撰遜之

老甕浮醅半猶凍，飲懷便欲吞雲夢。故人可柰公府忙，空盞且與山僧共。大郎小郎俱能詩，惹我翩然高興動。氣含蔬笋湯惠休語帶烟霞，李供奉充厨幸賜四方珍。買炭便拚二月俸，酒寒已命阿宣温盤重。須教阿舒捧家人，竊笑驚且疑今朝也作彌陀供。誰識詩僧作俗流，十年道誼交情重。參寥不負六一知。

佛印偏同老坡關數杵鐘聲催客歸踏雪長
安馬蹄送

送趙尚綱南還

青衫烏帽金華客南渡今來天水碧鳳彩蟠
胸書五車鷗尾懸腰劍三尺目光炯炯雙曙
星京國相逢即深識不知阮籍途正窮浪許
歐公耳偏白聞之愧汗翻流泉如何鷓羽
鵬翼我目乃類歐公盲讀書不能數行墨明
朝有策獻金鑿不知何地堪容廷作詩又送
君南歸我亦相君當顯共蟾窟秋香桂一枝

早攀莫待花狼籍錦袍不惜換春衫
來醉千石

贈王鎮撫

天狼啖啖時出沒孤矢光芒正蓬爐
九重厲精康庶物蒐羅才俊眉遺逸
臣襲華秩感恩思奮心如怒握劍提
嗒我苗斯疇髮斯擲腥膻汛掃南北
奏捷星馳疾喜動
天顏重進秩虎符焯焯耀朱芾丈夫才氣斯
弗屈汗簡垂名皦於日

五羊灘

五仙騎羊過梅嶺行到章江
迹客船五羊散放不復顧
纍纍白石縱橫眠太守叱之便起
立爛煮大燕真儒仙五仙歸來尋舊物
期以小待三千年體亦奇

梅嶺石

梅山巨石當關口只容匹馬單人走
五丁一旦揮金鉞百尺峩嵒復何有
碎石填澗澗亦平又令陡岸添圩城
昔年險處今平地晝夜無蹄自在行

絕句五言

崇溪景

悠悠下村路望望皆烟樹何處讀書聲
山禽忽飛去

潮去閒頭淺潮來閒頭深淺深渾有定不似
世人心

登登度西岡恰與詩景會歸鳥下幽叢斜陽

石岡背

白鷺宿寒塘寒塘浸明月懊惱少年心分明

現中雪

滄海明月來古戍行人靜驚見顛張書滿地

滕羅影

落日下荒墩漁舟競來泊沽酒更相邀烟波

有真樂

橫岡春草深牧牛牛易飽短笛三兩聲歸來

山月皎

前岡新路捷後岡舊路長負薪歸長路捷路

有豺狼言近而

畫虎

虎人所畏人怒群虎戮試看堂室間坐卧

爛斑褥可為成

曹操觀碑圖

曹女乃能孝曹公胡不忠千載一樽酒只酌

娥江風

白頭

春來又春去無計為留連鳴鳥亦頭白誰能

長少年詞

百舌

休恃黃金喙，間關巧弄聲。
幽篁已垂實，老鳳欲來鳴。
轉移之機，君子進此固一。

騎鯨圖

一自騎鯨去，青山幾度春。
江南好風月，都屬後來人。

魚舟

木落潞河秋，西風射岸流。
裘衣遊囊盡，惟有釣鰲鉤。

數畧時，罩罩輕舸任飄飄。
不投五十牯，安得載山鰲。
流

腸轆轤千萬轉，只見山高低。
不見

棹輕輓，千萬遭。拈棹有時歌，離腸

荔

薛荔長龍鱗相看似可人

聖朝無良嶽那直二千銀有規

意

宋徽宗時朱勔領花石網有龍鱗薛荔
一株費銀二千兩偶見薛荔感而賦

觀貢白鼠

白鼠黃金精將迎萬里程若將勞費計千里

馬猶輕

賤用物之意

觀貢猿

通臂能探果愁眉似失群
明廷不爾愛只

愛李將軍

所寶惟賢

沈翁一拙

刻畫棘端猴新封萬戶侯沈郎惟一拙甘自
老林丘

畫景

輕舸載酒去雪後氣偏饒梅蕊將春信依稀
到六橋

浪起舟且發風來水自開不須過橋去涼思
在高臺

艮山集卷一
三四
艤棹荻花灣相期且未還不須愁日落明月
在東山

留別江西諸公

送別章江門何須折楊柳天涯去住情春風
幾回首

道中口號

昔從此路來今從此路去東海舊綸竿還掛
珊瑚樹此老胞中不為世俗素也如此

携琴圖

抱琴日行野綺囊不一解只恐荷蓑人亦是
知音者賞音正在此輩

乘槎圖

博望使邀方歸來歲月長仙槎如可馭何不
報劉郎一掃千古說

寄德慶管知州二首

故人不相見三度梅花春梅花最清白寫寄
見情親

庚嶺梅花國盈盈天下白君從嶺上過借問

曾相識

舞劍

高臺舞長劍掃盡萬山塵不似鴻門燕空懷

猜忌人

贈張汝欽

孤舟泊柳陰邂逅一論心玉帶河頭水此情

應共深

寄張茂蘭

別離無遠近不見只生愁安得青雲路常時

並轡遊

六言

觀泉

山巘高低如繡溪流屈曲無聲幽人閉戶不

出門外小橋自橫

送客

日晚鳥啼山樹雨晴馬踏香塵人向紅亭惜

別客依芳草傷春

題畫

山色欣欣如咲溪流脉脉無聲亭下十分好
景琴中萬古幽情

禽言

得過且過飲啄隨時度朝暮得隴望蜀徒爾
為未知是福還是禍得過且過
泥滑滑兮行不得郭公提壺勸君喫脫却布
袴涉水難不如歸去聊安息

張東海先生詩集卷二目錄

五言律

次葉郡齋述懷

送吳正郎還南京

桃源雪

上巳日

送徐仲廣歸姑蘇

和浦憲副述懷

庚申夜作

寄徐時用

宿贛州臨江亭

髮禿

舟泊南昌石亭寺

送王同年

送樊太守入京

送林一中福建僉憲

溪居

李相亭

遊大龍玉枕諸山 雪後有感

荅人問訊 荅李貞伯

路河 戒詩

送瓊州太守 送陳孝子歸山陰

五言排律

楊子江送焦廷用 送德州烏學正

夜坐 墨君閣

七言絕句

寄李貞伯 寄王尚文

芥辣鷄口占 送趙弘濟春試

寄錫山鄒逸人 臺城

謝郭總戎惠海味 舟中與司馬侍御夜話

謝人遺鶴 送張秀才虞咨之京

送張惟亨之沂州 王中書蘊和所畫團扇

題畫贈張廷芳 聞南安立生祠

春閣下第次姚公綬春興雜咏

春月 春露 春夜 春山

春柳 春燕 春蝶 春草

訪人不值 胡陵城

五月朔雨中對菊 梅二首次韻

李貞伯寄索催荷苓之作次韻奉酬

畫松
西浦盟鷗

古祠異蹟
郭文通畫

分梨詞送客
書童志昂詩後

簡王廷貴亞卿
寄鍾狂客

答陳公甫
儋州載酒堂

天駿弟小星槎
陳搏像

補羅袍
感興
蛇酒

五色鸚鵡
魏受禪碑

答瓊州李貳守
姜太守惠竹絲簾

贈寫神者
促俞僉憲許棋

杜鵑行
舞劍臺送客

送客
曉行

仙茅
喜晴

講中庸
懷友

送下第友人
絕句

送陳別駕之任
天寧寺尋卞郎中

潯陽圖
送魏雷州孔淵

元宵賞
晨起

方丈美畫
葡萄

晚坐

六心菊

元宵賞燈

次韻題壁

紙鷓送友之京

讀宋史

漂母祠

春日偶成

和韻留陳公甫

詠盆梅

端陽競渡

即事懷彭方伯

七言排律

掇卞華伯遺韻

天趣軒小酌聯句

銅牛水滴聯句

拙女詞

楊花詞

送陶別駕之京

張東海先生詩集卷二

五言律

次韻葉太守郡齋述懷

黃霸還朝日空餘海國春吟囊偏覺重行李

共知貧笑別三江月俄為千里人平生一孤

劍不避霍家親此士要始得如

送郎中吳行德還南京

聖主龍飛日英才豹變時北來天浩蕩南去

路委遲柳影家家畫花香處處詩南宮印如

斗指日待君持

桃源雪

正月桃源路東風雪後時布帆衝宿靄桂棹
拂流澌鴨綠添溪漲鶯黃上柳枝壯遊秦少
府錯賦武陵詩

上巳日

上巳今朝是蘭亭不可尋一為京洛客幾負
故園心綠水鷗盟遠黃塵馬首深題詩難盡
興展盡看山林有思致

送徐仲廣歸姑蘇

醉坐春風棹春波照眼明正當欣賞處又慘

別離情渺渺飛花遠萋萋芳草平少年懷璧
去有待價連城

和浦憲副述懷

歸來東郭外舊業未全貧醉臥草為藉醒來
花滿身好山渾侶舊弱柳幾更新即辦吟詩
債無心養穀神

昔在秋臺日閉門甘守貧滿朝求識面同巷
懶呈身冰蘖常如舊烟花自換新且須傳酒
頌何必論錢神精采

庚申夜作

東坡集卷二
二
懶守庚申夜惟耽熟睡甜三尸爾自訴一念
我何慚納納乾坤大悠悠歲月淹舊廬東海
上歸計不須占

寄徐時用

同邸每同遊別來俱白頭古心遭俗罵老眼
闕時流明月三江棹清風百尺樓更期東海
上鶴氅伴間鷗

宿贛州臨江亭

此地古虔州臨江小寺幽殿基苔石古屋角
樹雲稠迎客僧陳榻尋醫我泊舟城中足車

馬纔識此丹丘

髮禿

生來元自少老去更無多雨洒南中雪霜凌
北地蒞縉緇難妥帖帽屋自嗟峨却被傍人
笑朝簪可奈何

舟泊南昌石亭寺

舟泊石亭寺施鞋躡石稜對門山在幃繞檻
水如縑自笑偏來此誰知夢到曾纜夫聲因
因驚起定中僧

送王同年

孤棹倚章江，同年話更長。試丹醫鶴膝，上歲結羊腸。清事伯英草，丹心陸贄章。不須悲去住，仕路正茫茫。

送樊太守入京

作宦繁華地，甘為清苦人。帶寬緜布重，食極菜羹純。用法宜風俗，詳刑簡鬼神。為法此行天下賀，玉陛舞祥麟。

送林一中福建僉憲

握手與君別，此情難具陳。空庭花落後，高樹馬啼頻。白簡持三尺，清風扇八閩。新題如有

便為我洗京塵。

溪居

聞說幽人屋，門前碧玉流。鴨頭微暎雪，鷄尾淺含秋。無際迷青草，多情縱白鷗。素衣何用染，相對自悠悠。亦其間雅

李相亭

百室猶江邑，千年李相亭。乾坤留正氣，山水有餘清。赤手扶皇宋，丹心契孔明。蘋香聊一薦，俯仰不勝情。語語氣

遊大龍玉枕諸山

炎方秋去後草木正清妍孤寺金蓮擁群峰
玉筭聯清油張小塢翠勺酌清泉自是故人
會山公醉欲顛

雪後有感

海國偶行眺悽悽感物華春分猶有雪寒食
尚無花村落四五里爨烟三兩家荒林翳斜
日慶慶開歸鴉荒寒寂寥之意可想

答人問訊

故人勞問訊賤子愧荒寧習懶詩才減消閒
酒量增延賓惟具茗教子自挑燈天地俱

老西疇穀已升

答李貞伯

青雲舊冠蓋白髮老林泉撫事惟看易消閒
自寫騷眼前花作陣霜下菊稱豪東海盤陀
石時來坐聽濤

潞河

買棹潞河頭南風麥浪秋正當人欲去恰值
雨初收長劍終須試寒糧且自留舊時陳仲
子情逐水東流

戒詩

年來詩作祟努力戒吟哦忽與景相會其如
興到何水中難按瓠絃上肯留筇揮筆且掃
掃伊誰問華陀

送瓊州太守

滄海隔瓊山憐君幾往還蒲帆一萬里竹屋
兩三間首化鯨鯢窟心歸鴛鴦班春風杏花
信又促觀天顏

送孝子陳思堯歸山陰

萬里歸來一老身百年情事始能伸何須浪
說遼陽鶴不及山陰子母親

五言排律

楊子江送焦廷用還京

一脈岷山水弥漫入杳冥東奔吳楚境上直
斗牛星楊子殊稱號江都表委靈禹功遺舊
績堞賦播餘馨極險誇天塹重淵絕地經風
濤彌歲月潮汐接滄溟彷彿平鋪練須臾忽
震霆蛟翼橫怒氣罔象幻奇形毒霧乾坤暝
狂飈草木腥嗟予常作客曾此幾揚舫入市
脩香幣臨流薦鼎鉶陽侯波帖息川后鏡泓
溇臺殿玻璃國金焦翡翠屏棹歌喧蜃窟帆

東坡集卷二
影拂鷗汀覽勝頻遐眎探幽每暫停登崖揮
客袂攀磴扣禪扃盤礴呼龍洞摩挲瘞鶴銘
連滄無舊觀吞海有新亭弔古英雄老談玄
塵夢醒三吳渾一壤六代已千齡窠落餘隋
柳荒唐笑楚萍春來應浩蕩君去正平寧斜
日蒜山紫澹烟瓜步青倚蓬吟止固畏茗煮
中冷不擊祖生楫遠尋韓相廳翩然過江樂
如躡鳳凰翎

送德州烏學正

上巳今朝是蘭亭何處尋只將離別意都付

短長吟青草鷗邊遠黃塵馬首深作官當
盛世樂育遂初心懶設馬融帳時彈宣父琴
芝蘭當滿室桃李欲成林志節九秋月文章
百鍊金終看三鱣墜未許二毛侵川外多來
使京中聽好音春風詠歸際為我問升沉

夜坐

乘涼偶獨坐不覺到更闌畏暑天多暑貪閒
事不閒經冬無片雪繞郭自群山酒熟將誰
共詩成只自刪無端飛動意都付寂窠間

墨君閣

東坡集卷二
海外蘇長帽歸來寫墨君清風掃寰宇高節
抗浮雲寒郊鳶爭腐翩翩鳳作群消沉傷社
事扶植在斯文傑閣從今建遺踪冀後聞我
持東海杓聊洗舊塵氛

七言絕句

寄李中舍貞伯

歸舟獨宿劍灘濱夢想明窗一七塵寄語金
陵李太白醉披宮錦共何人

寄金陵王尚文

司諫王郎我舊知薛逢詩句李慙棋曾從虎
口中間過贏得歸來兩鬢絲

芥辣雞口占

狸膏金距鬪風流輸卻山東百二州不若委
身辛辣地先生扶醉註春秋

東海文集卷二
送趙弘濟春試

聞說桃花競笑春玄都道士又更新好携三尺青鸞尾去掃平津閣上塵為有

寄錫山鄒逸人

歌吹當時上鳳臺忽驚三十五年來題詩欲問城南杏肯為詩翁白髮開

臺城

不舍奸雄卻舍身下愚愚甚甚商辛佛家多小波羅蜜不救臺城荷荷人有但謹而有警

謝郭總戎惠海味

東海先生久住人品嘗識得味偏真爬沙跋浪橫行者都作將軍甕盎珍

謝人遺鶴

將軍不遣鶴乘軒卻送書闈墨沼邊老我歸來靜相對洛陽長嘆最堪憐

舟中與司馬侍御夜話

短燭清尊話世情幾迴失笑幾迴驚黃梅積雨今宵霽猶存行人惡月明

觀此老用意如此苟作邪

送張秀才虞咨之京

東樓風雨杏花寒
狼籍春衫酒未乾
醉裡催詩驚遠
別憑將此去報平安

送張維亨之沂州

琅琊臺下看新晴
聽得陽關第四聲
千樹梅花滿城雪
也應難比使君清

王中舍蘊和所畫團扇

素紈團扇玉郎畫
竹石霜柯慘澹中
謂是誰家舊時物
幾迴烈日幾涼風

中國古無摺扇
嘗見王秋礪記元初
東南夷使者持聚頭扇
當時譏笑之

我

朝永樂初始有特僕
隸下人所持以便
事人耳及倭國充貢

太宗徧賜群臣
內府又倣其制以供賜與
天下迨通用之而團扇
革矣今江南惟婦人
猶存其舊題團扇因著摺扇
之緣起云

題畫

江上新涼霽色開
綠雲樹杪見樓臺
老漁未肯拋蓑笠
還恐輕雷送雨來

石磴縈紆直又斜上方臺殿隔煙霞孤舟倚
岸無人渡啼鳥聲中自落花語

雲杉如薺屋如蝓詰曲溪流瀉碧潭獨立小
橋吟不盡挿天晴翠太湖南語甚

聞南安立生祠

休說生祠與去思素餐懷愧已多時歸來東
海煙靄裡不把浮名白鳥知

題畫贈張憲副廷芳

山水情懷軒冕身抗塵終不混流塵西湖十
里梅花月來伴扁舟載鶴人

云山蒙董石陂陀間坐船頭看綠波悵望佳
人緲何許竹枝聲斷夕陽多是詩家語

下第次韻姚公綬春興雜詠

春月

卷幔閒看月滿輪海棠枝上一鈎銀黛眉畫
得渾相侶祗恐嫦娥解妬人

春露

柳眼花腮濕暗添無邊青紫競穠纖茂陵誰
解相如渴未賜金莖一滴沾

春夜

東坡集卷二
半亭涼月落花香剪剪輕風颭燭光杜宇一
聲春夢醒鄉心千里客愁長

春晝

落花飛絮促光陰倚遍東風傷客心欲試青
衫無酒伴城南草色自深深

春山

青染螺鬟春又歸巖花徑草靄斜暉謝公自
有登山屐誰向開門踏蘚衣

春柳

無情風百尺絲多情渾不繫分離明朝走

馬天涯去誰向郵亭折一枝

春燕

春雨秋風底事忙棲身自欲向昭陽誰憐工
外初歸日巢壘未成空繞梁

春蝶

曾向滕王畫裡尋春園一見動人心東風吹
醒南華夢翹首天涯憶故林

春草

帶雨和烟色更深天涯遊子思難禁弟兄况
隔一千里夢繞池塘夜夜心

訪人不值
茫茫滄海兩浮萍多謝風波偶合併別後相
尋不相見風波依舊是無情

胡陵城

漢楚英雄逝水東蕭蕭荒壘幾秋風金戈鐵
馬酣爭地付與尋常負耒翁慨

五月朔雨中對菊

濕雲如夢雨如塵庭菊抽苗覺漸新試看枝
頭青蓓蕾含香有待採花人

梅二首次韻

香滿江南數百州一枝莫比更風流御溝堤
上今宵月添得清光浸玉樓

十載含酸待易牙預將雪豔壓春花不容俗
客探消息獨倚清風鶴外沙句新沙字更押不過

李貞伯寄索催荷花之作次韻奉酬

水國芳菲正此時玉容莫負錦囊詩秋聲只
在蟬聲裡早褪紅衣怨阿誰

畫松

大廈連雲覆九州山樗社櫟亦旁求道邊有
箇長松樹誰為工師一洗眸救賢者誦此有愧

西浦盟鷗

吟弄清風綠水塘白鷗時拂芰荷裳年來不
獨忘機事一箇閒身亦自忘

古祠異蹟為王廷秀寺正賦

千載靈祠異蹟存傳芭薦藻自晨昏巫咸有
語傳神意只福忠臣孝子門好意

郭文通畫

水氣漫漫浸碧山奇峯佳木有無間小窓獨
坐窮周易不見春風不出關

巖無相以圖索題曰此郭文通之畫

也文通江南人宣德間充內供奉食

錦衣鎮撫祿

官廟嘗面促之畫不即執筆以死怵之對
曰苦書樂畫寧死不能草草

上為霽威

分梨詞送客

碧玉盤堆白雪梨與君舉手即分離請君試
把梨心嚼箇箇心酸知不知

書童志昂詩後

雪貌霞裾一美人只將遺珮寄情親湘臯有

東坡集卷二
十四
路無由見幾度東風草自春

簡王廷貴亞卿

金陵棋墅舊風流一著秦師百萬休何事先
生牢自戒只將六籍佐皇猷

寄鍾狂客

狂客別來音信無定應騎馬入皇都嶺南儘
有佳山水莫向君王乞鑑湖

答陳公甫

炎瘴都收一雨新獨看天柱聳嶙峋橫秋玉
枕真無用自是乾坤不睡人

寄語江門打睡人于今天地正芳春醒來莫

管閒花鳥須掃崐崙頂上塵

青首鋪榻玉枕橫白雲為被天作帳東海先

生睡不著日月當天正大明

是甚氣魄

儋州載酒堂

載酒堂前草幾青東坡贏得古今名若教時
宰知公論悔不當初作從伶

天駿弟小星槎

玉河東畔小星槎穩繫扶桑看日華吟渴何
愁飲無酒舉頭東海浩無涯

陳搏像

西華山中愛睡臣何曾睡過百年春
如警枕醒醒者終作乾坤不朽人論

羅袍

鴨綠羅袍魚口開重教補綴不須裁
眼前多少鷄衣者太守真慚襪線才弄翰不

感興

平生渾未識丹砂赤土時將向客誇
忽悟自家丹一寸辰州尤更隔天涯知此則仙為妄矣

蛇酒

誰封仲虺醉鄉侯獻納春風百病瘳
欲向尊前問消息當時弓影是邪否二十八字直與毛穎傳爭奇

五色鸚鵡

韓子文章百世名如何亦羨鳥光榮
雕籠繡幄香風暖得似荒山野水情此莊子喻

魏受禪碑

白馬之盟久已寒大碑深刻盡高官
就傳典午為文體莫寄遼東管幼安詩

姜太守廷器惠竹絲簾

分得黃堂一丈簾清風碧沼浪纖纖
鶴鳴書

東坡集卷二
永文書靜不放沉烟出畫簷

答瓊州李貳守

長帽仙翁海外歸
乾坤隨處更忘機
阿婆饒舌論春夢
老子從知夢亦非

出坡意表

贈寫神者

隨處丹青寫我神
故人相見問何人
而今百十張東海只有元來一箇真

俞舜卿僉憲許柑未送詩以促之

南海黃柑未見分
舉杯空望嶺頭雲
元宵燈火相將近
空手歸來惱細君

善謹

杜鵑行二首

杜鵑云是古帝魂
臣甫何辭再拜勞
卻怪天津橋上
吽吽將白眼稅青苗

思歸長喚不如歸
地老天荒知喚誰
卻喜居庸關上
喚喚將胡騎去如飛

舞劍臺送客

舞劍臺前梧葉飛
蕭蕭涼思欲侵衣
天涯萬里孤鴻遠
且對黃花醉落暉

送客

梅嶺無梅空有名
憑將何物送君行
金鰲閣

東海集卷三
下橫江水為近源頭徹底清

曉行

曉行梅嶺鷓鴣啼草樹蒼涼路欲迷莫道哥
哥行不得馬蹄南北又東西

仙茅

庾嶺仙茅舊有名隨時采服可長生使君昨
日纔持去今日書來乞墓銘可以解貪者之感

喜晴

連日雨聲今日收乾坤依舊是清秋高歌莫
放行雲過恐作三湘百粵愁

講中庸

齋居雨坐夜何如茗碗爐熏聽講書問我舊
筌都忘卻一江春水自游魚道即在是正不為意

懷友

懶展殘編倚小窓竹風洒面睡魔降懷人應
是人懷我目斷蘼蕪燕子雙

飛花渺渺送春歸忽漫鉤簾對夕暉竹下小
池雙翡翠啣魚飛過綠苔磯眼前景人

送下第友人

歲月如輪春復春屈伸何必問蒼旻今年得

意看花者多是前年失意人

語不刻而平
意屬至

絕句

何處竹枝歌一聲片帆渺渺度空明
溪橋曲岸人孤立芳草間雲萬種情
空濛山色晴還雨繚繞溪流直又斜
短杖微吟過橋去東風滿路紫藤花

送杭州別駕陳鼎升之任

蘇公堤上柳依依聞說年來已半稀
君向春風好培植莫教庭院獨芳菲

託物寓
訓甚佳

天寧寺尋卞郎中華伯不遇

天寧寺裡訪詩仙又躡飛雲過雪川
留得新詞耀新景杏花搖豔碧羅天

潯陽圖

琵琶聲斷夜如何應是青衫淚不多
誰信當時魯男子半窓殘燭照雙蛾
客散琵琶已過船詩翁兀坐一枯禪
畫工薄倖醜粧點狼籍春風最可憐

送魏雷州孔淵

參橫月落轉銀河未盡秦青一曲歌
分付更開三百響此君沉醉未為多

元宵

老夫不飲醉元宵歌舞聲中坐寂寂賴有天
涯舊知己梅花香澹月輪高

晨起

牡丹零落雨聲嚴燕子來時懶捲簾
堦下決渠人報喜新栽竹長兩三尖亦甚清麗

方文美畫

花落春歸客未歸仲宣樓上倚斜暉
故園遙在三江外綠遍蘿蕪燕子飛風味宛然

葡萄

使車無處立奇功大宛歸來獻草龍
遺種于今遍天下茂陵冷落幾秋風

晚坐

蝙蝠交飛蚊正喧夕光延我飯前軒
明朝又有明朝事不用燃燈且早眠

六心菊

六朝人物六朝心紅紫紛紛滿上林
輸與當時彭澤令都将收拾付清吟

元宵賞燈

元宵燈火宴西園舊酒新詩障夜寒
縱飲不

妨連日醉白頭林下一間官

次韻江負外題壁

綠楊門巷酒旗招共醉松江月一瓢卻被梅
花沿路笑郎君兩頰暈紅潮

紙奪送陸文質之京

百尺東風舞紙鳶無端聲到別離邊人生自
是無根蒂卻被功名一線牽

讀宋史

女中堯舜豈虛名惜也垂簾月晝明後世春
秋誰秉筆應將斧鉞示儀刑

一技薜荔二千銀買得中原萬里塵縱有龍
鱗長風雨不知良嶽屬何人

漂母祠

劉伶墳上坐吟風漂母磯頭奠酒鐘眼力還
高蕭相國能于餓草識英雄

春日偶成

盤薄乾坤萬古心無由翰寫強登臨蜂房晴
日蛙聲雨都付先生自在吟

和韻留陳公甫

分付輜車且莫中臨川道上有輕塵平生怪

煞荆舒老多讀詩書少識人

詠盆梅

盆裏移來庾嶺春柔枝不稱雪精神莫將桃李輕相比要識劉侯似婦人

端陽競渡

畫鼓紅旗送綵舟健兒八百競中流誰知有箇停棹者閒倚江山第一樓

即事懷彭從吾方伯

驛路春風催馬蹄獨醒人亦醉如泥從吾亭上人千里獨嗅梅花坐日西

七言排律

進士下筆伯奚元啓用齊字韻

撥正遺帖

玉河堤畔喜驪珠噴香塵再四新涼吹蕭

蕭收宥雨遙空洩洩散晴霞主人延客供

茗詩老留題遍赫擁林藪號烟驚虎豹滄溟

跋浪縱鯨鯢玉齋筆迹初成道西子來吳

及筆百里飛燕迷複道九霄傑閣壘駢折陰

何見此渾驚惶李杜聞之亦慘悽方信二公

鳴世屬苦我獨觸藩羝迂疎深愧不何用

癡絕應遭俗所詆，千古韋編空兀兀。半生縫掖自媿媿，衣冠有約陳三策。學海無邊測蠡每許清高交，古相何能配鼎彝。春黃錦堂銀燭屏，狂童之悅清冰箸。未厚迴云舞童身，鵝鳥過空歌。效頌蟻齋與來筵，筆頰掃吻燥。甘瓜屢屢到，又向張灣理歸權。謾從燕市買行炷，明朝執手紅亭別。舊路愁人碧草萋，渺渺澄江飛斷雁。亭亭落日噪寒蛩，回思難弟心如結。喜祝慈親齒更覲，三十年華身正壯。四千里路面成鰲，才高不讓題鸚鵡。劍瑩

時還淬鵬鷲，莫以縹囊誇月露。好於紫塞掃塵墜，詩書自合承簪紱。圭壁寧容雜甌窰，傾蓋交情抵膠漆。贈言有味勝錫飴，千鈞弩矢君須重。休逐兒曹晏射隼。

天趣軒小酌聯句

天台林愈憲克賢黃亞卿孔昭謝祭酒繹時成化丁亥春正月在京聯

天趣軒中樂事并，林偶憑文字訂交盟。黃風

流地主雲間，老謝真率賓僚浙。右英張賜沐

尚當餘假在，謝開筵試把。好懷傾林大兒宛

轉彈魚麗，小子趨滄。誦鹿鳴張香筋，刻痕詩

促就黃花枝傳鼓令催行興吞湖海風烟闊
 謝脁洗塵氛冰月清林樹杪落霞天欲暝墻
 陰殘雪夜猶明張競吟忽漫成長句黃欲別
 仍留不盡情林豈為儒林添故事要令人世
 識昇平 聯鑣載得清歡去禁鼓鼕鼕已報

更黃

銅牛水滴聯句

天順丙子歲九月借張友山璞同舟北上聯

彼美中丞裔璞置身文墨場青金範奇質彌
 玄水溢中腸毛穎藉滋淬璞陳玄共徜徉不
 勞五丁力彌寧墾百畝荒肌骨竦寒瘦璞筋

骸束堅強長眠協坤靜彌時滴運乾剛慣助
 魚龍化璞何愁鼯鼠傷脰翻石田雨彌涎落
 研池霜霽戚舍汝相璞劉寬為彼償登臺豈
 穀觶彌注腹何汪洋出匣見頭角璞濡毫潤
 文章奚煩丙吉問彌馬比僧孺行判事中書
 省璞受宣天子堂行藏依孔子彌飲吸希杜
 康蠡是駕轆輒璞領穿日彷徨彌

詞

拙女詞

團扇初成梧葉秋夾羅欲試又重裘也知不

是時來早拙女囊空自晚謀
拙女囊空自晚謀清寒到底未為羞
盈箱錦綉依時著多在春風十二樓

楊花詞

楊花袞袞隨風颺悠悠揚揚低復高
海天空濶任尔去莫來沾我木綿袍

送別駕陶質夫之京

雨雪新春甲子晴
鳴笳擊鼓發官程
禁城到日花如錦
白玉階前拜

聖明

卷之五